



孟蘭舟先生崇祀鄉賢序

太谷孟蘭舟先生與先祖東冶公為乾隆己卯鄉
試同年友同出河間紀文達公門下志相得也

繼

奮幼時嘗聞先大夫廣軒公道公立朝風節心嚮
往之迨後頻上公車與哲嗣春圃芸樵兩世叔數
數相見於京師後為外吏不復相聞晚歲呈議歸
田主講平遥書院先生文孫錚夫世兄過訪以一
冊相示曰此先祖請入鄉賢事實全冊也將付梓

以廣其傳諸年家子惟君最耄願書數語於簡端
以重其事繼畬喜而展讀生平嚮往之私為之一

快當和相之當軸也同列斂手言路結舌其昌言
擊之者前有先生後有曹公錫寶當世以為兩鳴

鳳云先大夫常為繼畬談公軼事云公之改官吏

部也總理為諸城劉文正公一日公創奏稿文正
摘字句小疵曰君文殊不精公艷然曰公當視例
案之合否不當論文字之工拙某若專工文辭仍

當視草清祕不至俯首入曹署為簿書俗吏文正
睨而笑曰孟公風力殊健及保送御史以公一人
應選曰吾知其必能直言也繼畬生平慕公風烈

前居言路後為京卿亦嘗以其一得之愚屢有陳
奏雖蒙

兩朝聖人溫綸褒獎而勁直敢言之氣有愧於先哲多矣
他日書之國史公固當為一代名臣豈止崇祀鄉
賢為晉乘增重而已謹書數語而歸之以志景仰

之忱云

同治元年九月年孫徐繼畬頓首拜識

具呈本縣壬午科進士前任廣東東安縣知縣段
士聰舉人楊現璧杜定禮于廷選游孟麟郭季鴻
杜淳侯生英楊步雲閻敦本段佩蘭郭培幹溫訓
趙朝論恩貢賀肇奎武天益拔貢侯映宿副貢白
湛溫詡歲貢白鍾秀胡學琴武懷遠廩貢任象傳
增貢孔廣謙吳晫李景蓮附貢姚世榮試用訓導
段我成馮振鏞趙彝臣張會銘孫澄廩生賈世冀
孫玉琢張正身郝子寬貢生榮武綬武崇智賀公

變游靖邦郭鍾元籍履寬郭汝言吳郁文增生牛
星煒吳培毅張錫鉞張錫級白承武郝潤圖趙梓
成在天李銓杜超英附生高映垣孫晉昌李盛春
吳德崇楊聚源高士濂高士鰲吳雋烈負國琦吳
鼎花馬晉錫侯鎮南霍體正孔昭勳白時孔昭選
梁謹任錡大賓劉蟾桂介賓吳紘耆賓冀益水監
生籍鑑臨李廷棻高永達武舉孔殿鰲白秉毅高
對揚李光亨武生游元良吳世祿孔廣什高鵬飛
高士楷吳攀麟白詩俊孔昭明鹽運司運同加三
級孫錫齡戶部郎中杜煥旺遊擊郭兆徽中書王
錦泰孫翰昌州同白澄段鴻勳高士彥國子監典
籍杜煥瑋千總趙鴻議叙八品馮世銘王志道從
九品白龍書吳泮文童生王志匡白信王憲儀杜
其昌郭聯甲為賢名久著祀典宜崇籲懇申詳以
勵風化事竊維學校號興賢之地瞽宗隆釋奠之
文誠以事不朽者三立德偕功言並重祀在典者

七宜民與忠孝兼崇故鴻規有作於先民則蟻慕
必深於後世況今

聖天子一人有慶恭逢

皇太后萬壽無疆

恩詔貼膳黃凡孝子義夫悉

予褒旌之典名賢多建白豈言坊行表莫酬明德之馨

伏查已故原任通政使司叅議孟公諱生蕙一鄉

文獻百世斗山跡其幼賦食貧學稱蓄富臣饑能

忍帶每繫於腰間屋漏無乾書輒攤於案下做孫

峻之麻炬也曾燃秉代油窺顧歡之糠燈時或以

衾蒙牖蓋有恒凜嚴親之訓元成不愧傳經而節

勞慰大父之心靈運猶能述祖宜其一蠶蚤雋萬

里高搏周磐舉孝廉無慚駿譽宋郊登進士丕振

鴻猷翰編為通籍之官

國史充纂修之任岡頭翮鳳歌風先試以五題柱下

窺龍旬日竟通乎三史後雖鳳池暫奪鷄阻仙山

行且雞舌頻含鶯遷郎署况由楚豫諸道而歷掌
畿甸更自吏工兩科而疊轉卿階張蘊古之直聲
大開言路狄梁公之宦績半出諫垣當夫棘撤滇
南得士贈雙星之句塲監燕北關節嚴一隙之通
言官兼正字之官探秘笈者庫有四諫職稱簪毫
之職補亡書者篋以三汲黯曾事賑饑黔教何嘗
嗟食三輔倉塲最重森豸角以稽盤五城
輦轂攸闕整驄威而巡省名屢書於

玉陛秩旋晉於銀臺代天出言靖共不忘夙夜為民
請命敷奏敢緩須臾遂乃裴顧感恩孫洙論事臣
疏批鱗而直達

聖聰逆耳而無嫌謂諫議若魏徵詞原過直念忠愛如蘇
軾心本無他所以左遷示

寬大之恩官鑄二級卒之事寢邀芻蕘之採人盡三呼蓋
其一德能貞懋乃績於

廷獻實原百行為孝施有政於家修崔山南逮事長

孫疾祈身代韓舍人每參忠獻怒輒膝行代尸饗
鄉塾頻歸傷同氣琴床茹慟貧憐南阮夏屋推渠
嗣續東裴小星嚙彼雲量更舉同功之火霜操曾
辭邑令之金而凡貽謀節視聽四箴養性聯蔬食
二語與夫儉勤之銘於座詞賦之選於

朝聞其語如見其人亦循其名愈得其實矣是則樸
學由於心得入官皆服古之功陰德比之耳鳴學
道乃愛人之本昔風聲馳省會紛羶慕而三立祠

崇矧月旦協鄉評竟德薰而四時典缺聰等月先
近水風挹高山願舊典之式循做功宗而作祀庶
心香一瓣長留古道照人血食千秋不異桐鄉從
眾為此聯名瀝稟核實臚陳伏乞

仁慈老師大人俯准輿情仰申憲鑑俾膺秩祀附
列鄉賢則孟公幸甚亦邑人幸甚謹呈

謹將故宦原任通政使司叅議孟公事實查明臚
列呈

電

計開

一故宦孟生蕙字鶴亭號蘭舟係山西太原府太
谷縣東南一坊十甲人生於乾隆元年九月十
四日子時由邑庠生中己卯科本省鄉試舉人
癸未科會試進士

殿試第二甲第五十一名

欽點翰林院庶吉士三十一年丙戌散館授編修充

國史館纂修官三十三年戊子大考列三等以原品休

致三十五年庚寅恭遇

高宗純皇帝巡幸津淀接

駕蒙

恩以主事用授吏部文選司主事三十六年辛卯陞本

司員外郎三十七年壬辰以御史記名三十八

年癸巳記名以繁缺知府用三十九年甲午推

陞禮部精膳司郎中四十年乙未補授湖廣

道監察御史四十二年丁酉奉

命稽查本裕倉四十三年戊戌科會試

欽點外場監試署理掌河南道事復奉

命稽查裕豐倉四十四年己亥

恩科鄉試充雲南副考官校士稱職復

命蒙

恩垂問曰爾祖父兄弟有居官者否對以胞弟孟生草以
進士候選

上曰看來是讀書人家是年冬轉湖廣道監察御史四十
五年庚子

京察蒙

恩列一等會試

欽點內場監試四月丁外艱四十七年壬寅服闋補授江
南道監察御史轉掌江南道事奉

命稽查舊太倉四十八年癸卯轉京畿道監察御史順天
鄉試

欽點內簾監試四十九年甲辰轉工科給事中奉

命巡視中城察院事五十一年丙午

京察蒙

恩列一等引

見記名以母年高恐道遠艱於迎養呈明請仍留京供職
旋轉吏科給事中三月奉

旨補授鴻臚寺少卿十一月補授光祿寺少卿五十二年

丁未奉

命校四庫全書旋補授通政使司叅議謝

恩奏對時適耳有微疾失對蒙

恩命太醫診視藥方進呈傳

諭好生服藥調養會督臣有昌平開礦一疏故宦奏請停

止

高宗純皇帝嚴旨申飭旋蒙

恩以降二級調用越數日

上問大學士韓城王文端公曰汝曾見孟生蕙奏摺否對

以未見原摺欽奉

嚴旨已恭讀

上曰渠無大過特所言太重耳朕仍與伊官做故宦聞之

感激涕零謂

聖恩格外矜全無微不至惟冀補官後竭盡血誠仰報

生成於萬一嗣以病失調養遂告歸嘉慶十五年卒於家

年七十五歲其畢生踐履歷受

恩眷有如此者

一故宦祖籍城內四世一堂免時曾大母猝嬰疾
出郊問醫藥比返門已扃週城遍呼不得入則
呼天泣禱願以身代而病亦尋愈父啟周謀食
四方時以不得隨侍為憾及期代輒按日計程
形諸夢寐語言不自覺稍長就傅鄉塾母吳氏
躬親執爨凡一切操作之役間日必返代為搦
搗令足備數日之需乃躬負塾中服食等物而
去其竭力事親有如此者

一故宦祖以上治家皆有法度父性尤嚴正辭色
不少貸凡子弟自他所歸必垂手侍立不命之
退不敢退為侍御時偶值盛怒數日不解故宦
中庭長跽適同年友過訪代請乃得解又七齡
時父嘗勗以有恒方能有成一生仕學率體此
語迄老仍心誌不忘云其恪守家訓有如此者

一故宦父素恒往來京師迨通籍僦舍迎養能婉
曲得歡心歲壬寅父棄養哀號擗踊水漿不入
口者數日泣下類血色喪葬奠祭悉遵典禮諱
日誕辰尤不勝淒然嗣以耳疾奉母歸途遇險
阻泥淖必下車躬護板輿而行見者莫不感歎
嘗語人曰致仕而逮事親此人子一大幸也古
云愛日真有唯恐不逮者色養者十年凡飲食
供奉之需雖少形拮据不以聞其純孝有如此

一故宦初應童子試邑令呂公素有知人之鑑一
見輒加歎賞謂他日必以文鳴世拔置前茅已
卯舉於鄉謁座師河間紀文達公奇之曰生於
眾人中真所謂鶴立雞羣也及任吏部諸城
劉文正公以有為有守目之故事大學士保舉
御史每部數人文正公所薦吏部惟故宦一
人同官力請其副文正公曰孟某乃公輔器特
拔之非私也其品望有如此者

一故宦生平克自樹立服官尤持正不阿在吏部杜絕請託嚴察黠吏選政稱清由禮部擢

陞御史屢奉

二頁錯簡

命稽查倉務率矢公矢慎不擾不徇巡視中城察院事明布科條嚴行曉諭遇爭訟事立為判決夜則巡查街道所屬地遍歷馬迄任滿中城盜案絕少監飯廠嚴督夫役黎明即往雖疾雪寒風無少懈及奉

者

一故宦昆弟四人幼時作苦恒共之而兄獨早逝叔弟文蔚以府經歷試用浙江季弟生草以乾隆戊戌進士陞任順天府西路同知嘗手書囑以竭誠盡職勉圖報効後季弟因病旋里卒於旅公私交迫故宦為營殯葬謀生理教養諸孤舊嘗推宅昆仲至是復給宅一區又嘗攜兄子之京師撫育備至以艱於嗣為置妾生子焉意

蓋憫兄共苦而未獲分甘思報之也其友愛有如此者

一故宦家慕貧膏油恒至不給往往手一編偕諸昆弟就母績輪燃秫稈互照誦讀夜分偶餒不能支則以濶帶緊束腰際卒其業嘗屋雨淋漓無可棲止輒就身几案下以為障蔽展卷自若大父心憫其勞也屢戒以三更為率故宦以衾覆牖仍力學不輟焉其刻苦有如此者

命校四庫全書辰入酉出尤盡瘁云其竭誠任事有如此者

一故宦以京師首善之地人心風俗培植為先宜擇寬廠公所敬謹宣講

聖諭廣訓使愚民習聞感發善心其淫詞邪曲如俗名小班者均以年幼頑童裝演惑人墮其術者往往傾家敗產且此幼童俱係民家子弟善價典來借獲重利因此爭贖涉訟不一而足向經禁止

日久故技復萌實為民庶之害奏請

嚴行驅逐以絕引誘以維風化其正人心有如此者

一故宦以服色政體攸關帽頂各有定制巡城時見市井小民下及僕隸優伶俱於暖帽上爭戴紅絨菊花頭甚非避嫌之道且聞外省不肖子弟無不爭相效尤而省會尤甚至貂皮海龍等衣官員穿用尚有等差長隨戲子自不宜濫用應一體嚴禁以防越禮犯分之漸其維風俗有如此者

一鄉會兩試期於甄拔真才而日久往往生弊乾隆年間

諭旨有房官互相抽閱試卷之禁故宦奏請各直省敬錄

一通懸於貢院以昭炯戒並請外省調取州縣入簾考試後局入公所不得任意出入亦不必預分內外又癸卯監試之役會禮部議准將紅號彌封分送內簾情形諸多掣肘且恐將來

有滋弊之處奏請仍照舊例辦理其慎重文事
有如此者

一故宦以城池最關緊要京師護城河向被商民
侵占狹隘有礙河流當請禁止私占以展河身
又見邸抄內有陝甘流犯扭落城鎖逃走審係
城守不嚴弊在巡兵過少因念兵可百年不用
不可一日不備奏請

飭各督撫酌量地方繁簡派撥兵數多寡以專責守以昭
慎重其講求武備有如此者

一故宦往歲供職 吏部諳於銓法及進階卿貳
澄敘尤多如學習期滿人員補缺互有參差宜
按科分甲第名次先後補用毋許稍有攙越以
歸畫一內外官員加級抵銷宜扣捐級之限以
防規避留省外用人員宜酌定章程以便銓補
以清銓法奏上俱蒙報可其肅清官方有如此

者

一故宦充己亥

恩科鄉試雲南副考官在道嚴約家丁勿擾驛站入闈後
悉心檢校遺卷俱經徧覽所取多知名士監臨
仁和孫公補山深賀得人贈言有使測雙星人
早識香傳一瓣手同拈之句戊戌會試充外簾
監試庚子會試癸卯鄉試充內簾監試循例奉
法闈中諸務俱就條理其仰副

簡命有如此者

一故宦居恒嚴取舍辨義利不以豐嗇易其志丁
外艱服闋將赴都邑令餽贖金若干婉謝弗受
語人曰吾非敢重違父母官意顧平生唯恐受
人恩况幸託治下受惠多矣敢復叨廉俸其廉
正有如此者

一故宦雖致仕家居而惓惓之心常依

廷闕每元旦朝服北面行禮歷二十年如一日居常杜門
不出足不履長吏之庭然地方官每逕其門聞

呼道聲必變色而作會寢祭拈香旁有青布褥
襯紅毡者童幼偶布之急叱撤去諭之曰祖父
得膺四品封始製此我不敢僭其敬慎有如此
者

一故宦自優游林下謝絕交遊庭中植松菊昕夕
手斲寄興作文章自娛為詩標舉性情引禫奧
旨著有奏疏古文詩賦若干卷往歲修邑乘經
搜採編入文藝者不少

仁宗睿皇帝

駕幸熱河獻賦蒙

恩選入文穎館其餘遺貯篋中俟檢輯授梓其學養有如
此者

一故宦為學以窮理盡性躬行實踐為主終日危
坐研究天人之理每有翻閱非聖賢之書屏不
寓目室懸蔬食飲水知足便足焚香啜茗得閒
且閒一聯指以示人曰此任諫垣時曲阜行聖

公所贈也用以勵吾清操又嘗述父盡忠補過等題句約以思補兩字敬顏於額以示觸目警心之意其自脩有如此者

一故宦家居常自擁篲掃除庭院早暮灌花皆親汲水命兒輩肩舁之衣常布素飲饌甘淡泊偶御酒肉亦無兼味謂治國齊家都離不得勤儉二字觀史冊所載古來聖主賢君未有不以勤勞而起恭儉而興者况庶民乎手錄勤能補拙儉可醫貧格言復自繫以箴銘鐫於牌懸廳事間俾家人恪守之以傳於勿替其勤儉有如此者

一故宦自奉至約而展親睦族之道綦厚凡親族中婚嫁喪葬勢迫而力或不逮必為經紀主辦其貧不能讀者則資以膏火無令廢學族有兩世孀居無以自養者給租粟十餘年至其子成立然後已官京師時有滇省門下士四月披裘

來謁立解所衣衣之并助金若干其人得謁選
而去其篤厚親友有如此者

一各直省多於京都設立會館為鄉會試士子棲
息之所三晉會館地頗湫隘故宦通籍後首倡
捐俸復勸募若干金創立太原會館後經重修
董事者感故宦創始之德為祀木主焉本邑有
義學近市且鄰禪院鳩同人呈明移構僻地延
師教讀並為清釐脩膳之費邑人士至今便之
其嘉惠士林有如此者

一故宦在鄉黨中謙沖自下執禮甚恭每步街巷
目不邪視遇熟識或年高者必拱立於側以讓
其行不談人過尤不談亡友之過謂過期於改
身往矣談何為也而朋輩及後進稍涉非禮必
正言規戒之有以爭訟來告者畧為排解往往
得一言而罷其誠信感人有如此者

一故宦寬以待下遇奴婢有過犯每婉語開導之

嘗曰是亦人子也寄人籬下已足憐憫又無知而得過不怨焉母乃刻甚見乞兒必給以飲食語家人曰此窮民也

國家設立養濟院歲費帑金若干且不之惜况區區者所求幾何忍令失望其體恤寒賤有如此者

一故宦長子毓綬太學生理家政次子毓淳三子毓勳嘉慶癸酉科同榜拔貢丙子科同榜舉人毓淳道光丙戌

大挑二等任永濟縣教諭毓勳嘉慶甲戌

朝考二等

欽點即用知縣改教職任臨縣訓導由道光癸巳科二甲進士分發四川即用知縣歷署高縣洪雅縣事當故宦在官時俱幼稚旋里後設立家塾五鼓即起訓誨維勤雖歲時無輟日其課程以立品為先文藝次之類皆有用之學嘗語之曰為人之道務要脚步站得穩如人家造屋基址堅固

方可歷年久遠故非禮勿視四語是入門要著
時述曩昔有恒之訓以為戒又諄諄以受

恩深重未竭平生願報之忱囑圖報於異日其訓子有如此者

一晉陽書院三立祠崇祀先賢創自前代嘉慶十

八年七月肄業諸生今候補鴻臚寺卿賈克慎
等合詞具呈請於三立閣增設已故大學士陳
文貞公廷敬孫文定公嘉淦朱文正公珪河道

總督蘭公第錫侍讀學士盧公文昭並故宦栗

主一體從祀奉提督學政周批諸公品學人所

共知鄉評輿論均為允愜自應增入以慰諸生

慕效之思一面送主入祀仍各臚其事實以憑

立傳續增三立祠傳後用垂永久布政使陳批

查諸前哲學粹品醇績隆望重洵足儀型多士

如稟增入從祀並立傳以垂不朽其為多士崇

奉有如此者

一故宦生前懿行卓卓在人久為鄉里所推崇卒之日遠近莫不悼歎至今欽其德者咸懷私淑之心聞其風者更切追思之慕其見重於人至呼以翰林而不名可謂居鄉而能符眾望筮仕而恪守官箴持躬而克端儒行洵足步武前賢楷模後進皆思俎豆之而弗忘也其深入感慕有如此者

具甘結人在城里東南一坊十甲里長白映堂鄰右孟成吾親戚呂志獻族長孟生萬今於與甘結為公請崇祀鄉賢以光

盛典以勵風化事依奉結得本里已故原任通政使司叅議孟生蕙係在城里東南一坊十甲民籍由邑庠生中乾隆己卯科本省鄉試舉人癸未科進士官至通政使司叅議於嘉慶十五年五月二十五日卒於家年七十五歲委係端方植品孝友可風崇祀鄉賢允

協輿論不敢捏飾所具甘結是實

具公結人壬午科進士前任廣東東安縣知縣段士
聰等今於

與公結為賢聲久著名實允符公請崇祀鄉

賢以光

盛典以勵風化事依奉結得本縣已故原任通政使司叅
議孟生蕙程朱勗學仁厚宅心孝友無間於人言忠
勤聿昭於政府在邦家而必達丕著芳型爰俎豆之

宜膺用彰

鉅典應列鄉賢以崇邑祀中無捏飾所具公結是實
山西太原府太谷縣儒學今於

與印結為賢聲久著名實允符公請崇祀鄉

賢以光

盛典以勵風化事依奉結得本縣故宦原任通政使司叅
議孟生蕙孝友傳家忠貞體國矢公矢慎服官久著
聲華有守有為行己夙邀藻鑑宜從輿論崇祀鄉賢

中無扶隱印結是實

山西太原府太谷縣今於

與印結為賢聲久著名實允符公請崇祀鄉

賢以光

盛典以勵風化事依奉結得卑縣故宦原任通政使司叅

議孟生蕙望隆鄉國名重朝端立

殿陞而益著聲華生閭里而無慚德行宜享蒸嘗之祀以

協輿情不致扶隱印結是實

山西太原府今於

與印結為賢聲久著名實允符公請崇祀鄉

賢以光

盛典以勵風化事依奉結據太谷縣萬金鏞結稱結得故

宦原任通政使司叅議孟生蕙望隆鄉國名重朝端

立

殿陞而益著聲華生閭里而無慚德行宜享蒸嘗之祀以

協輿情不致扶隱等情具結到府加縣印結是實

該太谷縣儒學

教諭衛君選
訓導馮士龍

查看得已故原任通政

使司叅議孟生蕙嶧山華胄陽邑儒宗品足型方學

堪濟世科名植草擅春華秋實之聲名遠志出山著

東觀西臺之事業在諫垣多所建白凡廷議少有依

違葵向

楓宸未忘虎拜萊娛萱座忽切烏私棣棠篤孝友之恩葛

藟急宗支之庇至行為內即此已足千秋公論僉孚

以享請從二仲用徵芻獻合薦椒馨

該太谷縣知縣萬金鏞查看得已故原任通政使司

叅議孟生蕙金玉通材圭璋粹品弱冠聲登黌序壯

年身到儒林孝友性成室內表雍和之象慈祥素著

里中昭恤睦之風濟困窮則樂施不倦矜孤寡則見

義必為敦懿行於生前鄉評悉洽追遺徽於沒後誌

載可稽宜享蒸嘗之祀以彰潛德之光

該太原府知府陸應穀查看得太原縣已故原任通

政使司叅議孟生蕙嶧山望族陽邑儒宗職隸仙曹

早入清華之選名遷郎署曾邀特達之知查倉則
天庾之豐盈巡城則地方以安謐滇南主試英才之化
育均沾燕北監臨僚佐之森嚴共凜旋以勲高而察
薦後因親老以留京五百年名世鍾英鴻猷丕著七
十歲稀齡紀瑞駿績常昭作忠與孝友兼全立德偕
功言並重聲蜚玉柱讀其文如見其人秩晉銀臺循
其名更得其實聯名籲請都人士固情不自禁祀典
增光該故宦亦分所應得宜配蒸嘗之享以符眾懇
之誠

該山西

布政使司布政使潘
按察使司按察使恒

鐸

會查看得太谷縣

已故原任通政使司叅議孟生蕙才鍾曠代品冠人

倫績學能貧燃秉代燭奴之用盛名早富拔茅膺國

士之稱承庭訓有恒有成守官箴矢公矢慎當其起

家翰苑授職郎曹六計之弊吏維嚴三禮之掌故尤

肅使星耀彩校書與校士雙清卿月騰輝監飯偕監

場並照五城績居上攷九列秩遂崇躋執白簡以書

思但祈

國利為蒼生而請命何惜官鐫歷徵入告之謨猷真是
忡忡葵抱况綜歸來之心緒尤多慊慊芻私守禮那
敢奪情罷蘭臺者三載事親洵能竭力侍萱座者十
年友于宏割宅之恩撫姪賦有沱之什視聽為入門
要著聿傳訓子之方儉勤乃治世良謨悉本大儒之
論即此有恒而有物知其可法而可傳南豐一瓣香
既篤膠庠之慕西序千秋祀難違輿論之公

禮部謹

題為

題請入祀名宦鄉賢事禮科抄出山西巡撫吳其濬會
同山西學政沈祖懋題已故通政使司叅議孟生蕙
才鍾曠代品冠人倫請入祀鄉賢祠具

題請

旨奉

旨該部議奏欽此欽遵各抄出到部該臣等議得定例各

省舉報名宦鄉賢該督撫學政每年八月前具題並將事實冊結送部詳核於歲底彙題又崇祀名宦鄉賢應確覆事跡倘名實不能相副及僅以人品學問空言譽美並無實蹟者即行指駁等語今據該督撫等造具各該故員事實冊結送部查冊開已故通政使司叅議孟生蕙山西太谷縣進士授職編修由御史陞任通政使司叅議該故員天性孝友父謀食四方時以不得隨侍為憾通籍迎養能婉曲得歡心父歿水漿不入口者數日奉母歸途遇險阻必躬護板輿而行兄及弟卒撫育其子備至任御史巡視中城遇爭訟立為判決夜則巡查街道遍歷屬境迨任滿盜案絕少任雲南副考官嚴約家丁勿擾驛站悉心檢校遺卷俱經徧覽所取多知名士生平為學以窮理盡性躬行實踐為主衣常布素食甘淡泊而親族中婚嫁喪葬勢迫而力或不逮必為主辦貧不能讀者資以膏火族有兩世孀居無以為養給租粟十餘

年所有孟生蕙題請入祀鄉賢祠之處實屬名實相副臣等謹擬准其入祀鄉賢再此本向歸彙題合併聲明臣等未敢擅便謹

題請

旨

署理山西等處承宣布政使司恒 為知照事

道光二十七年正月十一日蒙

署巡撫部院潘 案驗道光二十六年十二月二十

六日准禮部咨儀制司案呈禮科抄出本部彙題四

川等省故宦劉衡山西等省故宦孟生蕙各入祀名

宦鄉賢祠一疏於道光二十六年十二月十一日具

題十三日奉

旨依議欽此欽遵抄出到部相應抄錄原題知照各該督

撫遵照辦理可也等因准此合亟行知為此行司該

吏即便移會臬司分行遵照辦理勿遲等因蒙此擬

合就行為此仰縣官吏即便遵照辦理毋違須至劄

付者

維

道光二十七年歲次丁未春二月朔辛亥越三日癸
丑太谷縣知縣萬金鏞儒學教諭尹承芬衛君選訓
導馮士龍典史牛塤城守司張大全等謹以清酌庶
饌之儀致祭於

皇清誥授中憲大夫原任通政使司叅議蘭舟孟老先生
大人之神前曰嗚呼曲臺議禮先王制祭小而烝嘗
大而禘禘朝懋忠貞鄉美孝弟禮在瞽宗辨香勿

替非此族也不在祀焉由周而來祠啟鄉賢九人而
已數艱十全莫為之後雖盛孰傳洪惟我朝扶輿
氣結象水而南鳳山之呂派衍鄒嶧人誕賢哲二百
年來一鄉特絕賢哉先生蚤歲食貧忍飢緊帶照
讀燃薪書攤雨夜几案障身有恒有成庭訓克遵積
健為雄頭角嶄見秋實春華蛟騰鶚薦罷草木天迎
鑿津淀職授郎官掌故諳練三載考績鐵面交推禮闈監
試滇國衡才稽倉放飯驄馬頻來遂歷卿貳旋晉銀

臺維時督臣奏開寶藏

先生憂馬諫書特上為上

為民侃侃行行辭雖戇直

聖明終諒夫何有母未

嘗君羹靖節解組令伯陳情躬護板輿來歸自京養

志十年地察天明况昔趨庭曾逢不憚時已貴顯長

跪受責惟孝且友數經推宅為姪買妾祀延宗祏由

近而遠助葬及婚仁粟慨給族孀能存厦庇寒士義

贈及門更饒義方訓子主恩其他清操金辭邑令吏

庭絕跡呵道起敬勤儉勒銘賦才達

聖昭昭節伸

冥不墮行如是我聞古道照人徵文訪獻忍聽湮淪
有其舉之入奏 楓宸 天子曰俞例給明禋粟主
一尊遵照繕治大書特書官階姓字明德惟馨禮儀
既備欽奉欽遵入祠位置同寅協恭吉日是諏鼓鐘
送尸祀事聿修自堂徂基自羊徂牛何以祝之萬古
千秋嗚呼尚

饗

闔邑紳士祭文

維

道光二十七年歲次丁未春二月朔辛亥越三日癸
丑邑後學 段士聰 等謹以清酌庶饌之儀致祭於

皇清誥授中憲大夫原任通政使司叅議蘭舟孟老先生
大人之神前曰嗚呼 先生往矣亮節高風負乎若
泰華之高燦乎若日星之列固已有口皆碑辦香心
藝豈必秩於祀典始見淑慝之旌別雖然常書烝祭

朝廷之尚賢要自有說且昔聖王之制祭祀也所以崇德而報功亦將為一鄉矜式作則以明哲故學有四而鄉賢與名宦從古重瞽宗之設蓋嘗論太上達節賢守節要惟大德不踰細行必飭足為萬世之圭臬方先生束髮授書也開門七事諸形据拮往往燃秫代油忍飢帶結夜雨無可棲止輒案障身而學不輟是其心性堅定幼冲已儼然人傑洎官諫垣也會督臣奏請開礦財力殫竭舉朝皆知其不可無人焉廷諍而面折而先生罷官翰苑再起部曹宦海中蓋幾經蹉跌時當路且瑟歌示意餌之以厚祿悚之以賜玦使其懷祿固寵即何妨緘口而結舌乃眾議排逆鱗批知無不言愍不顧身家之机隍蓋至悔禍寢事先生之忠君愛國乃昭然若揭即今讀其遺疏尚覺侃侃行行詞氣凜冽宜

純皇帝之

御批與前明之楊左比烈且夫家國之難兩全也往往忠

致而孝缺何 先生致仕逮事慈親獲効十年之養
潔侍贈公即官侍御時負罪引慝跽中庭而躬不閱
而庭訓恪守有恒且七齡至於大耋又况義方訓子
雖盈丹穴買妾推宅恩周弟姪賜仁人之粟孀全單
子賑親族之窮婚葬更迭廣廈萬間士庇寒更義塾
會館其念切蓋 先生孝友任恤雖臧獲乞兒皆雲
覆而無望缺其他宰贖婉辭吏庭跡絕呵道起敬毡
襯叱撤係箴銘於廳事儉養廉復勤補拙夫豈僅文
梓邑乘賦選 文穎著作方周之盧薛嗚呼言可為
坊行可為表人倫中洵網提而領挈假令 先生而
在雖執鞭吾忻悅固宜其配享三立抑豈愧鄉之奠
醊今日者祀事孔明旨酒清澈庶 先生之德長同
象水之流高並鳳山之岳嗚呼尚

饗

通政使司叅議孟公生蕙傳

公諱生蕙字鶴亭號蘭舟太原太谷人生有異秉甫
七歲祖父以有恒方能有成一語教之時雖童穉心
口中常佩服不忘弱冠補博士弟子己卯舉於鄉癸
未成進士改翰林院庶吉士散館授編修充

國史館纂修戊子大考以原品休致庚寅恭遇

高宗純皇帝巡幸津淀公迎鑾道左蒙恩以主事用授

吏部文選司主事杜絕請託矢公矢慎胥吏莫能高

下其手陞文選司員外郎冢宰劉文正公以有守有
為目之旋以御史記名推陞禮部精膳司郎中未幾
補授湖廣道監察御史公益勵勤慎己亥鄉試充雲
南副考官悉心校閱得士稱盛轉湖廣道監察御史
丁外艱歸里服闋補授江南道監察御史擢工科給
事中巡視中城公明布科條嚴行曉諭遇爭訟事即
為判決夜則巡查街道所屬地遍歷焉時監飯廠公
嚴加督責黎明即往雖疾雪寒風不敢一日懈轉吏
科掌印給事中陞鴻臚寺少卿又改光祿寺少卿數
年間屢有建白如加級抵銷宜扣捐級之限以防規
避學習期滿人員宜照原議依次補缺以歸畫一留
省外用人員宜酌定章程以清銓法房官互相抽閱
試卷久有例禁宜將諭旨頒示各省懸於貢院以
昭炯戒外省調取州縣入簾考試後扁入公所不得
任意出入亦不必預分內外外省州縣守城兵役宜
酌定名數以專責守京師首善之地人心風俗尤宜

培植逢朔望日擇寬廠公所將 聖諭廣訓頒行天下者明白宣講使百姓習聞護城河兩旁宜清理私占以展河身年幼頑童演淫詞誘人宜嚴行驅逐以維持風俗皆報可丁未夏補授通政使司叅議謝恩奏對時耳微不聰特 命太醫診視公以受 恩愈重思竭涓埃以報會直隸總制有昌平開礦一疏公奏請停止奉 旨申飭時舉朝代為悚惶以為禍且不測旋蒙 恩以降二級調用因乞假奉母旋里朝夕侍左右色養備至嘗曰為入之道務要脚步站得穩如人家造屋必基趾址堅固方可歷年久遠故非禮勿視四語是入門要著座間嘗錄先正格言以自警每云以恕己之心恕人以責人之心責己何患不到聖賢地位觀於此而公之行己可知已歿時年七十有五

嘉慶十八年公舉從祀三立祠

桑庭樞曰公以言事鐫級蓋特出於忠愛之誠為興

利者籌其弊而不覺其言之過激也卒之事寢不行
是

天子未嘗不聽公言也語云

主聖則臣直信哉

太谷縣志

前任掌廣西道監察御史署京畿道監察御史章嗣
衡撰

孟生蕙字鶴亭東南一坊人乾隆二十八年進士選

翰林院庶吉士授編修旋以大考休致三十五年

上幸天津生蕙於途次接

駕

命以六部主事用補吏部主事遷員外郎禮部郎中大學

士劉統勲薦生蕙有為有守四十年擢湖廣道監察御史兼掌河南道事父憂歸服除補江南道歷京畿道工科吏科給事中五十一年授鴻臚寺少卿尋轉光祿寺少卿五十二年擢通政司參議居官二十餘年以清直稱所建白如留省外用人員宜酌定章程以清銓法鄉會試宜停止彌封紅號房考不得互閱試卷外省簾官宜扃入公所不得任意出入亦不得預分內外州縣守城兵役宜酌定名數以專責成先後十餘疏皆

報可生蕙素簡亢時以論事忤大學士和坤會疏劾直隸總督劉莪昌平開礦事措詞失當得

旨嚴議坤等遽以草職請

特恩改為降二級遂乞養歸家居奉母盡孝訓子弟以禮敝衣蔬食泊然如儒素縣民素敦樸承平久家饒於力風尚漸華生蕙以身式俗力以儉約矯之尤喜獎掖後進聞同里士有文行者必造其塾叩所學往復

敦勉媿媿不倦人稱為鶴亭先生

道光辛卯歲

余

應秋闈試寓省垣訪友晉陽書院因

拜瞻三立閣內列太谷孟蘭舟先生祀位知其必偉

人至咸豐元年冬

余

司訓於此時先生崇祀鄉賢逾

三年矣嘉言碩行士林傳頌不絕愈益欽慕之又獲

與哲嗣次君春圃公相晉接通款洽而諸文孫列膠

庠者且不一而足皆循循謙謹有萬石君家風越數

載哲嗣三君芸樵公自四川江油縣任移病解組歸

來余獲一覩丰裁冲然道氣迎人公舊居在城回里

後移住南山側不輕出酬應惟以作詩寫字自娛其

高風方之陶靖節殆無忝焉嘗閱縣志載蘭舟先生

傳及文藝數篇每以未見全集為憾今夏芸樵公令
嗣錚夫同學友也手携此函見示亟取而讀之讀其
傳誌事實而嘆先生^生平行誼之純且粹讀其各奏疏
而嘆先生立朝風節之忠以直讀其累世墓表碑誌
而嘆先生之先德積累深厚源遠而流長讀其雜著
詩文而嘆先生之學術根柢經史故著之辭章直抒
所見無不氣盛而言宜又讀芸樵公古近體詩老健
雄深無一凡近語知其原本漢魏兼得力於韓杜諸
大家者深矣此皆素所傾慕而願見者至是始備見
之時余感寒病初痊尚未脫然展玩旬日頓覺胸臆
開爽昔人謂讀快書快文可以愈疾信然哉因書之
卷末以志嚮往之私云

同治五年五月下旬桐封後學高馨岱謹跋



